

შპს „სოკარ ჯორჯია გაზი“

დადგენილება №029122

ჯარიმის სახით ადმინისტრაციული სახდელის დადების შესახებ

07 ივლისი 2023 წ.

ქ. ყვარელი

1. დადგენილების გამომტანი ორგანო (თანამდებობის პირი): დადგენილების გამოტანაზე უფლებამოსილი პირი - შპს „სოკარ ჯორჯია გაზის“ აღმოსავლეთის რეგიონული ოფისის იურისტი ვანო ბოჭორიძე.

2. საქმის განხილვის თარიღი: 07 ივლისი 2023 წ.

3. ცნობები პირის შესახებ, რომლის მიმართ განიხილება საქმე: დილკამ თანრიკულიევი პირადი №12001034195 მისამართი: გარდაბანი ს. მულანლო მე-ნ ქ. N 3 აბონენტის №1113034556.

4. საქმის განხილვისას დადგინდა შემდეგი გარემოებები: შპს „სოკარ ჯორჯია გაზი“- ის უფლებამოსილი თანამშრომლის მიერ განსახილველად გადმომეცა ამავე საზოგადოების აღმოსავლეთის რეგიონული ოფისის საგარეჯოს სერვის ცენტრის საექსპლუატაციო ჯგუფის უფროსის ლევან ცირიკიძის მიერ შედგენილი ადმინისტრაციული სამართალდარღვევის №029122 ოქმი, ადმინისტრაციულ სამართალდარღვევათა კოდექსის 96<sup>1</sup> მუხლით განსაზღვრული ბუნებრივი გაზის უკანონო მოხმარების ფაქტზე, საქმეზე თანდართულია სსიპ ლევან სამხარაულის სახელობის სასამართლო ექსპერტიზის ეროვნული ბიუროს ექსპერტის №007771922 დასკვნა, მრიცხველის დალუქვის აქტი, გგს-ის აქტი და ვიდეომასალა. ოქმის შემდგენის განმარტებით მრიცხველის შემოწმებისას აღმოჩნდა, რომ გარდაბანი ს. მულანლოში მდებარე აღრიცხვის კვანძზე დამონტაჟებული „Elster“ - ის ფირმის „BK - G 4 T“ ტიპის გაზის მრიცხველს (ქარხნული №13055002) ვიზუალურად დათვალაიერებისას აღენიშნებოდა სავარაუდო ხელყოფის კვალი, შესაბამისად მრიცხველი მოიხსნა და გადაიგზავნა სსიპ ლევან სამხარაულის სახელობის სასამართლო ექსპერტიზის ეროვნულ ბიუროში შემდგომი კვლევის მიზნით.

დილკამ თანრიკულიევი არ გამოცხადდა ზეპირ განხილვაზე.

საქართველოს ადმინისტრაციულ სამართალდარღვევათა კოდექსის მე - 10 მუხლის თანახმად: „ადმინისტრაციულ სამართალდარღვევად (გადაცდომად) ჩაითვლება სახელმწიფო ან საზოგადოებრივი წესრიგის, საკუთრების, მოქალაქეთა უფლებებისა და თავისუფლებების, მმართველობის დადგენილი წესის ხელმყოფი მართლსაწინააღმდეგო, ბრალეული (განზრახი ან გაუფრთხილებელი) მოქმედება ან უმოქმედობა, რომლისთვისაც კანონმდებლობით გათვალისწინებულია ადმინისტრაციული პასუხისმგებლობა“.

ამავე კოდექსის 96<sup>1</sup> მუხლის პირველი ნაწილის თანახმად: „ელექტროენერჯის წარმოების ლიცენზიანტის, მცირე სიმძლავრის ელექტროსადგურის გადაცემის ან განაწილების ქსელიდან ელექტროენერჯის ან ბუნებრივი გაზის (აირის) ტრანსპორტირების სისტემიდან ან განაწილების ქსელიდან ბუნებრივი გაზის (აირის) დატაცება, მიუხედავად დატაცების ფორმისა, ელექტროენერჯის ან ბუნებრივი გაზის (აირის) მოხმარება მისი

აღრიცხვის გარეშე ან აღრიცხვის წესების დარღვევით – გამოიწვევს გაფრთხილებას“: ადმინისტრაციულ სამართალდარღვევათა კოდექსის 236 - ე მუხლის პირველი ნაწილის თანახმად: ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზე, საქართველოს კანონმდებლობით განსაზღვრული წესით, ორგანო (თანამდებობის პირი) დაადგენს ადმინისტრაციული სამართალდარღვევის არსებობას ან არარსებობას, პირის ბრალეულობას მის ჩადენაში და სხვა გარემოებებს, რომლებსაც მნიშვნელობა აქვს საქმის სწორად გადაწყვეტისათვის. ეს მონაცემები დადგინდება შემდეგი საშუალებებით: ადმინისტრაციული სამართალდარღვევის ოქმით, ადმინისტრაციულ პასუხისგებაში მიცემული პირის ახსნა - განმარტებით, დაზარალებულისა და მოწმის ჩვენებებით, ექსპერტის დასკვნით, ვიდეოფირით ან ფოტოფირით, ნივთიერი მტკიცებულებით, ნივთისა და დოკუმენტის ამოღების ოქმით და სხვა დოკუმენტებით.

სსიპ ლევან სამხარაულის სახელობის სასამართლო ექსპერტიზის ეროვნული ბიუროს ექსპერტის 2023 წლის №007771922 დასკვნის თანახმად, გამოსაკვლევად წარმოდგენილი “ELSEL BK – G 4 T” მოდელის N 13055002 გაზის მრიცხველის (ლუქის N2341649), მთვლელი მექანიზმის დამცავი ხუფის მთლიანობა დარღვეულია და ქვედა ჰორიზონტალურ ფართზე გააჩნია დაზიანებები გამჭოლი ჩანახვრეტების სახით. რომელთა გასწვრივ მთვლელი მექანიზმის ჩარჩოზე და ბოლო გორგოლაჭებზე კი გარეშე საგნის მექანიკური ზემოქმედების კვლებია ჩანახვრეტებისა და ნაჭდევების სახით. მრიცხველზე არსებული ბჯენის მთლიანობა დარღვეული არ არის და დამცავი ხუფი მთვლელ მექანიზმთან ერთად მყარადაა ფიქსირებული მრიცხველის კორპუსზე. ბჯენზე ბჯენის ბუდეზე და შემავალ-გამომავალ მილყლებში გარეშე საგნის მექანიკური ზემოქმედების კვლები არ აღინიშნება. გამოსაკვლევ მრიცხველზე არსებული ბჯენის შედარება ბიუროში ნიმუშის სახით არსებულ მრიცხველზე განთავსებულ ქარხნულ ბჯენთან შეუძლებელია შესადარებელი ნიმუშის (ეტალონის) უქონლობის გამო.

სსიპ ლევან სამხარაულის სახელობის სასამართლო ექსპერტიზის ეროვნული ბიუროს ექსპერტის 2023 წლის №007771922 დასკვნა ცხადყოფს გაზის მრიცხველის ხელოვნურად დაზიანებისა და მისი გვერდის ავლით ბუნებრივი გაზის აღურიცხავად მოხმარებას, ეს კი თავის მხრივ ადასტურებს ბუნებრივი გაზის უკანონოდ მოხმარების ფაქტს. მითითებული გარემოების საწინააღმდეგოდ საქმეში არ არის წარმოდგენილი არანაირი მტკიცებულება. ადმინისტრაციულ პასუხისგებაში მიცემულ პირს ასევე არ წარმოუდგენია არანაირი სხვა მტკიცებულება რომელიც თავის მხრივ დაადასტურებდა მხარის პოზიციას და გამორიცხავდა სამართალდარღვევის ფაქტის არსებობას.

ყოველივე ზემოთ აღნიშნული თავის მხრივ ქმნის ადმინისტრაციულ სამართალდარღვევათა კოდექსით განსაზღვრული სამართალდარღვევის ფაქტის, კერძოდ ბუნებრივი გაზის უკანონოდ მოხმარების, შემადგენლობას. ამასთან საქართველოს ენერჯეტიკისა და წყალმომარაგების ეროვნული მარეგულირებელი კომისიის 2009 წლის 09 ივლისის №12 დადგენილების მე-9 მუხლით: ბუნებრივი გაზის უკანონო მოხმარებაში იგულისხმება გამანაწილებელ ქსელზე მოწყობილობების თვითნებურად მიერთება, შეწყვეტილი ბუნებრივი გაზის მიწოდების თვითნებური აღდგენა, ბუნებრივი გაზის მრიცხველის ბრჯენების განზრახ დაზიანება (აღრიცხვის სიზუსტის დარღვევის შემთხვევაში), ბუნებრივი გაზის მრიცხველის ციფრული მაჩვენებლის გაყალბება, ბუნებრივი გაზის დატაცება, მათ შორის, ბუნებრივი გაზის მრიცხველის (აღრიცხვის სისტემის) გვერდის

ავლით ან/და მის გარეშე ბუნებრივი გაზის მოხმარება (გარდა ამ წესებითა და კანონმდებლობით განსაზღვრული შემთხვევებისა).

საქართველოს ასკ კოდექსის 264 - ე მუხლის მიხედვით „ორგანო (თანამდებობის პირი) ადმინისტრაციულ სამართალდარღვევათა საქმეების განხილვისას მოვალეა დაადგინოს: ჩადენილი იყო თუ არა ადმინისტრაციული სამართალდარღვევა, ბრალეულია თუ არა პირი მის ჩადენაში, ექვემდებარება თუ არა იგი ადმინისტრაციულ პასუხისმგებლობას, არის თუ არა პასუხისმგებლობის შემამსუბუქებელი და დამამძიმებელი გარემოებები, მიყენებულია თუ არა ქონებრივი ზარალი, არის თუ არა საფუძველი ადმინისტრაციული სამართალდარღვევის მასალების ამხანაგური სასამართლოს, საწარმოში, დაწესებულებაში, ორგანიზაციასა და მათ სტრუქტურულ ქვედანაყოფებში შექმნილ საზოგადოებრივი ორგანიზაციის, შრომითი კოლექტივისათვის განსახილველად გადასაცემად, აგრეთვე გამოარკვიოს სხვა გარემოებანი, რომელთაც მნიშვნელობა აქვთ საქმის სწორად გადაწყვეტისათვის“. საქმის ფაქტობრივი გარემოებების დადგენის, მათი შეფასების და ურთიერთშეჯერების საფუძველზე დადგენილად მიმაჩნია, რომ ადგილი აქვს ადმინისტრაციულ პასუხისმგებლობაში მიცემული პირის მიერ ადმინისტრაციული სამართალდარღვევის ჩადენის ფაქტს, ეს უკანასკნელი ბრალეულია მის ჩადენაში, ამასთან შსს ინფორმაციული უზრუნველყოფის სამმართველოში გაგზავნილ იქნა მოთხოვნა, ადმინისტრაციული სამართალდარღვევათა კოდექსის 96<sup>1</sup> მუხლის შესაბამისად ბუნებრივი გაზის უკანონო მოხმარების ფაქტზე შემოწმების მიზნით, შემოწმების შედეგად დადგინდა, რომ ადმინისტრაციულ სამართალდარღვევათა საინფორმაციო ბანკში დილკამ თანრიკულიევი ირიცხება და არის ადმინისტრაციულად სახდელდადებული. შესაბამისად ადგილი აქვს ასკ 35 - ე მუხლის მეორე ნაწილით გათვალისწინებულ შემთხვევას, კერძოდ: წლის განმავლობაში ერთგვაროვანი სამართალდარღვევის განმეორებით ჩადენა, რომლის გამოც პირს უკვე დაედო ადმინისტრაციული სახდელი, სამართალდარღვევა წინათ დანაშაულის ჩამდენი პირის მიერ; რაც ამავე მუხლით ითვლება დამამძიმებელ გარემოებად. მითითებულიდან გამომდინარე არსებობს ასკ 96<sup>1</sup> მუხლის მეორე ნაწილით გათვალისწინებული პასუხისმგებლობის გამოყენების საფუძველი;

5. ზემოაღნიშნულის საფუძველზე ვიხელმძღვანელებ რა საქართველოს ადმინისტრაციულ სამართალდარღვევათა კოდექსის მე-8; მე-10; 33 - ე, 35 - ე, 96<sup>1</sup> მუხლით, 200-ე, 228<sup>2</sup>-ე, 236-237-ე, 260-ე და 266-268-ე მუხლებით, საქართველოს ენერგეტიკისა და წყალმომარაგების მარეგულირებელი ეროვნული კომისიის 2009 წლის 9 ივლისის №12 და 2010 წლის 12 აგვისტოს №14 დადგენილებებით და

#### და ვ ა დ გ ი ნ ე:

6. დილკამ თანრიკულიევი პ/ნ 12001034195 ცნობილ იქნას ადმინისტრაციულ სამართალდარღვევად და დაედოს ადმინისტრაციული სახდელი - ჯარიმა - 100 ლარის ოდენობით.

7. აღნიშნული თანხის გადახდა უნდა მოხდეს შემდეგ ანგარიშზე: ბიუჯეტის შემოსულობების ერთიანი ანგარიში: TRESGE22, სახაზინო კოდი: №302003247. დაჯარიმებული პირის მიერ დაჯარიმებიდან ერთი თვის ვადაში ჯარიმის ნებაყოფლობით

გადაუხდელობის შემთხვევაში, დადგენილება იძულებით აღსასრულებლად მიექცევა „სააღსრულებლო წარმოებათა შესახებ“ საქართველოს კანონით დადგენილი წესით.

8. დადგენილება შეიძლება გასაჩივრდეს მხარისათვის მისი ჩაბარებიდან/საჯარო გამოცხადების გზით ჩაბარებულად ჩათვლიდან 10 დღის ვადაში საქართველოს ენერჯეტიკისა და წყალმომარაგების მარეგულირებელ ეროვნულ კომისიაში (მისამართი: ქ. თბილისი მიცკევიჩის ქ. №19).

დადგენილების გამომტანი:



ვ. ბოჭორიძე